

226: Mukama wacu Yesu, tukwakire dute

1. Mukama wacu Yesu, tukwakire dute?
Twese turakwakira, ngwin' ushik' i wacu.
Mwam' utwez' imitima, ngo tumenye neza
Ibikunzereza, ntaco tuzokwanka.

2. Wasiz' ivyawe vyose, uza kub' umworo,
Uraduhumuriza kuko tubabaye,
Nta wotunyag' ubgami bgawe bg'amahoro,
Wew' uradutabara, ukam' udukiza.

3. Twari turi mu ngoyi, uratubohora,
Twari dukengeretse, uradusengera;
Tub' intore z'Imana, tubon'ubugingo
Butabonets' ahandi, n'amasabo meza.

4. Mbe n'iki caguteye kuv' ah' Iman' iri?
Nta kindi, n'urukundo rw' umutima wawe.
Ntiwagomvye kw abantu bapfira mu vyaha,
Waje kubarokora kuk' ubababaye.